



Arubaanse Courant

ANJA 25

DIALUNA 20 JANUARI 1964

No. 4943.

Apuntes Editorial MISS ARUBA Y PONEMENTO DI KRANS

Tabata un satisfaccion pa nos mira su Comite Central di Carnaval 1964 a tuma nos proposicionan pa no laga e candidatanan di comercio competi huntu cu e sunan di e clubnan pa e titulo di Reina di Carnaval di Aruba, pero pa organisa un eleccion apart pa e "bunitezanan" aki pa e titulo di Miss Aruba.

Manera cu nos a splica anteriormente caba, Aruba di tal manera por tin e ora alavez un candidata cu por tuma parti na e eleccion anual di e eleccion pa Miss World na Miami Beach. E plan aki, cual despues di un combersacion cu e presidente di C.C.C. a worde tuma completamente over, a worde sugerido door di "Arubaanse Courant", fuera di ariba dia 15 di Januari ultimo, ya tambe caba den "Arubaanse Courant" di dia 19 di Januari 1962 bao di e titulo di "Carnaval den Peliger". Nos ta contento di mira cu nos proposicion awor ta hanja un oportunidad. Pues nos ta kere cu sistema aki ta mas honesto pa e clubnan, y alavez ta duna perspectiva interesante na comercio. E manera cu e plan aki a worde prepara door di e C.C.C. e ta duna tur dos banda nan derecho y alavez ta forma un extra fuente importante di entrada nan pa e comite, cu asina awor por organisa un mihor carnaval. Manera nos por a constata algun siman pasa con C.C.C. 1964 a worde forma inmediatamente despues cu nos a publica nos editorial "S.O.S. Carnaval", a worde nos por constata con nos por a yuda duna bida un actividad nobo.

Algun dia pasa nos a conmemora con e fiestamento di carnaval "islandwide" na Aruba a worde realiza door di e iniciativa di sigui lesa pag. 2

Temblor na Formosa ta exigí victimanan

TAIPEH-. 20 Jan. Na Central y Sur Formosa tabatin un temblor fuerte den marduga di diasabra pa diadomingo, cu a causa bida di mas o menos nobenta persona. 320 hende a queda herida.

Den e ciudadnan Tsjai y Talnen 903 cas a queda completamente destrui y 1800 a cai aden parcialmente. Na Tsjai 180 cas a word destrui pa candela qu tabatin despues di e temblor, door di cual 745 persona a queda sin lugar di drumi.

Mas di mil bombero a participa na e trabonan pa paga e diferente candelanan.

E punto central di e temblor tabata bou di un barrica di ceru den centro di Formosa. For di

Noord Formosa cu a sufri menos di e temblor no tin noticia di victimas of daño.

Diferente parti di e via ferroviaria cu ta corre di Noord pa Sur Formosa a queda destrui door di e temblor.

Pero e camindanan grandi di trafico si a queda intacto.

Huishoudschool na Santa Cruz ta corona Reina

Santa Cruz, 20 Januari, Na Santa Cruz ya e promer school a publica su programa di carnaval. Mescos cu anjapasa e anja aki tambe Huishoudschool di Santa Cruz lo tin fiestanan di carnaval pa e alumnanan di e school. E reina cual ya a worde eligi, esta srta. Edwina Croes lo worde corona durante un fiesta cu lo tuma lugar na e school. Runner-up a bira Juanita Koolman, mientras cu Norma Ras a keda eligi como Miss Huishoudschool Santa Cruz. E Prins Carnaval di e school ta Alfonso Primero (Werleman).

MC. NAMARA TOCANTE DEFENSA MERICANO

WASHINGTON, 20 Jan. E minister Mericano di defensa, Robert McNamara a bisa den e comision Mericano pa energia nuclear, qu bapornan portavion grandi, sea qu propulcion convencional op cu propulcion nuclear, no ta na prome lugar mas como elementonan di defensa Mericana, en coneccion cu e progresonan cu lo worde haci den e anyana venidero pa Union

Werkgroep Nulandes den P.P.A. a wor un organisacion

Diarazon ultimo a tuma lugar durante un reunion general di "Werkgroep van Europese en Indische Nederlanders in de P.P.A." aprobacion di e plan di propio statutanon y reglamentonan interno, door di cual awor e grupo a hanja forma di un organisacion. Na e reunion a asisti diferente prominentenan di P.P.A. E directiva ta consisti awor di presidente L.G. van Doren, vice-presidente H. Been, secretario/penningmeester W.F. B. Mensink y miembronan P. Bongers y G.M. van der Hilst. E plan di statutanon y reglamentonan interno a worde aproba unanime durante e reunion.



Un portret di Prinses Margriet cu ayera dia 19 di januari a cumpli 20 anja. (Max Koot)

Sovietica riba terreno di submarinonan cu propulcion nuclear y e medionan pa reconocementu y ataque cu un alcance grandi. Den su declaracion, cu el a haci for di aña pasa na oktober, pero cu ta te ayera numa a worde publica, e minister Me-

FATUM - Tel: 1845

pa tur bo aseguronan

ricano ta resisti contra e gastu di 160 millon dollar extra ademas di e 280 millon cu a worde admitti pa e congreso, pa construccion di un portavoz nuclear.

Actualmente portaavionnan ta number shete riba e lista di necesidadnan pa defensa.

Diasabra a worde inaugura e exposicion di pinturanan di e pintornan Peter van Delft y Victor Rodriguez den Centro Cultural na Oranjestad. Aki nos ta mira senjor van Delft den combersacion cu sra Padu Lampe (centro) y sr. Z.W.F. Croes.



SABOR CU NUNCA TA VARIA

IT NEVER VARIES.

Mutacionan den servicio di Land na Aruba

Oranjestad, 20 Januari, **NOMBRAACIONAL.**

Sr. M.A.F. Tjen-A-Kwoel, hoofdcommissie di Belastingen na Aruba pa Commissie na Inspeccion di Belasting na Aruba; Sr. W.B. Panneflek, aspirant-agent di polis den servicio temporario na Aruba como hulp-commissie di Belastingen den Servicio temporario na Aruba. Srta. N.J. Garcia como scirbidor b. den servicio temporario na Politie Administratie. Sr. A.R. Warren como analist den servicio temporario na Landslaboratorium, Sr. J.P. Hill como ayudante scirbidor na Laboratorium di Inspeccion di Sanidad Publico. Sr. G.F. Maduro como ayudante scirbidor na Laboratorium di Inspeccion di Sanidad Publico. Srta. G.F. Croeze pa un tempo di prueba di tres luna como laborante-aprendiz den servicio temporario di Landslaboratorium, Sr. J. van Tinteren como analist promer den klas den servicio temporario di Landslaboratorium, Srta. A. Geerman como scirbidor b. den servicio temporario na Politie Administratie. Sr. R.R. Davelaar como scirbidor b. den servicio temporario na kantoort di Adjunct Inspector di Belastingen. Sr. E. van de Biezen pa un tempo di prueba di tres luna como bode den servicio temporario na oficina di Landsontvanger. Srta. C.P. Croes, laborante-aprendiz den servicio temporario na Landslaboratorium, Sr. M.A. Dubero cu un tempo di prueba di tres luna como ayudante-commissie di belasting den servicio temporario, Srta. E.A. Williams como scirbidor b. den servicio temporario di Politie Administratie. Srta. Grant como scirbidor b. pa un tempo di prueba di seis luna na oficina di adjunct inspector di enseyanza. Sr. R. L. Lampe como analist den servicio temporario na Landslaboratorium

PROMOCIONAN

Srta. A.F. van Beek, analist promer klas na landslaboratorium como hoofdanalist, Srta. R.S. Semeleer, scirbidor b. den servicio temporario Politie Administratie pa klerk b. den servicio temporario, Sr. H.I. Hart, scirbidor a den servicio temporario na Postkantoort pa klerk a den servicio temporario, Sr. B. Geerman, scirbidor a den servicio temporario na Postkantoort como klerk a den servicio temporario, SRTA. P.M. Quandus scirbidor b. den servicio temporario di parket di Officier di Huesticia como klerk b. den servicio temporario,

TRANSLADACIONAN

Sr. J.R. Craffon, agent di polis promer klas den servicio temporario na Bonaire pa Aruba. Sr. L.J.A. Sanchez, agent di polis promer klas na Bonaire na Aruba, Sr. B. L. Marchena, agent di polis promer klas na Aruba pa Bonaire, Sr. H.J. Visser, sub-inspector di polis promer klas na Aruba pa Corsow cerca Staf di Hoofd-commissaris di POLIS, Sr. J.E. de Wijs sub-inspector di polis den servicio temporario cerca staf di Hoofd-commissaris na Corsow pa Aruba. Sr. R.F.J. Caster, adjunct commissie na Griffier van het Gerecht in Eerste Aanleg pa oficina di adjunct-inspector di Belastingen

RETIRO HONORARIO

Sr. H. Tromp, adjunct commissie na oficina di adjunct-inspector di Belastingen na Aruba, en conexcion cu su cambio pa servicio di gobierno insular. Srta. M. Th. van der Linde, scirbidor a den servicio temporario na Griffier van het Gerecht in eerste Aanleg, Sr. J.C. Olivet, bode den servicio temporario na oficina di Landsontvanger ariba su peticion, Sr. D. Erasmus, kommissie di belastingen segundo klas, Sr. I.E. Lesire, partid di carta Sr. J.B. Croes, klerk promer klas na postkantoort na San Nicolas.

Diadomingo mainta un cuarto pasa di seis e auto A-2861, maneha pa senjora P.S.t., a bolter ora cu bolbiendo for di picnic a hubida di tuma e birada na e "krul di Eman". E auto a pasa door di e cura cora blanco di trafico y a bolter. E otro pasaheronan mescos cu e dama na wiel a worde herida levemente. E pasaheronan tabata E pasaheronan tabata un dama y tres caballero. E dama na stuur wiel no tabatin rijbewijs. E auto a keda total lost.



PA MOTIBO DI BIAHE

TA HUUR

BEAUTY SALON STABLECI

SITUA DEN CENTRO COMERCIAL - BON CLIENTELA - EQUIPO COMPLETO Y MODERNO

Excelente oportunidad pa persona serio cu bon referencia. Pa informacion tocante condicionnan etc. dirigi carta bao letter "APE" na depto. di Anuncio di "Arubaanse Courant"

APUNTES EDITORIAL

continuacion di pag. 1

defunto senjor Eric (Tuschi) Arends y senjor Milo J. Croes, presidente di e actual C.C.C., kende a informanos cu C.C.C. den e ultimo reunion a dicidi pa honra defunto Arends cu ponemento di un krans ariba su graf, pa su cooperacion importante y inolvidable na e carnaval di Aruba. Esaki lo tuma lugar dia 25 venidero pa 4'or di atardi.

Promer cu nos duna nos opinion

tocante di e punto aki di programa nos kier muestra claramente cu nos tin suma respect pa defunto Tuschi Arends. Semper nos a considera como un hende simpatico y como un Gezaghebber cu semper a duna prensa su mihor cooperacion. Na nos smaak e homber aki a laga mundo mucho tempran. Pero apesar di nos profundo sentimentonan pa senjor Arends, nos ta di opinion di mester muestra cu e plan pa como un parti di e fiestamento di carnaval pone un krans na su graf ta parse nos poco stranjero. Segun nos smaak, carnaval y un ponemento di krans ta algo cu no por uni. Carnaval ta un fiesta di alegria y puro locura; esaki no por worde combina cu un santana. Nos no ta compronde mucho bon pakiko e conmemoracion na senjor Tuschi Arends mester tuma lugar especialmente na un manera depriman asina. No tabata posibel pa haci esaki mas na un manera cu ta pas na e alegria di fiesta? E presidente di e comite di lustro por ehempel por a conmemora y honra senjora Tuschi Arends cu un speech elocuente y caloroso den Stadion. Despues un oferta publico di floran of un plaquette na senjora bluda Arends por worde combina. E.C.C.C. por hasta establece un order di Carnaval y nombra St. Tuschi Arenda posthuum "Gran maestro" den e order aki y entrega senjora Arends e decoracionan correspondiente. Tal forma di honoramento lo pas mas na e caracter di tal fiesta di alegria, cu un ponementu di krans den un becindario tristo di un santana.

Alavez ta bon pa muestra aknan ariba dos otro cos, esta cu defunto Tuschi Arends durante fiestamento di carnaval na anja 1962 a worde nombra posthuum como presidente di honor di C.C.C.

door di e tempo presidente Jan-chi Arends, y cualavez ta resulta un situacion poco stranjero si continuamente honor ta worde duna na un di e personanan cu a tuma iniciativa, esta defunto senjor Tuschi Arends, y un tal honoramento no ta worde duna na e persona cu tambe ta di esunan cu a tuma e iniciativa y kende su servicionan pa fiestamento di carnaval na Aruba seguramente no ta menos cu esun di e fallecido. Nos ta puntra nos mes: e aprecio no ta di mas pa un banda so?

E echo cu e eleccion pa PRINS Carnaval ta tuma lugar e anja aki na San Nicolas ta algo cu ta duna satisfaccion. Ta un prueba cu C.C.C. ta haciendo esfuerso serio pa envolvi San Nicolas tambe den e alegria di e fiestamento. Cu eleccion di Miss Aruba of Reina di Carnaval no ta tuma lugar na San Nicolas ta pa motibo di e echo cu entrada no por worde cobra den Lago Sport Park, manera den Stadion. Pero parse cu C.C.C. no kier lubida San Nicolas y si nos ta bon informa tin mas sorpresanan pa San Nicolas. Nos ta elogia esaki masha.

Tocante di e eleccion di Miss Aruba nos kier a bisa un cos mas: e mucha muhernan cu pone nan mes candidata pa e titulo aki mester tene cuenta cu si nan worde eligi como Miss Aruba, despues nan por worde manda Miami Beach pa tuma parti na eleccion pa Miss World. Pa majoria di e mucha muhernan esaki endudablemente lo ta un motibo extra pa tuma parti como candidata, pero pa algun probablemente ro. Esaki tin di worde pensa bon promer, pa no tin malcontento despues.

Cumpleanjos

El dia 16 de Enero ha cumplido 1 año mas de vida, la niña Argella Cabrera, la felicitan sus abuelitos, sustias, primitos, y amiguitas, quienes la desean mucha felicidad.

Dia 17 di Jan a celebra su feliz cumpleaños, señorita Maria Veronica Figaroa, felicitacion ta

bini di parti di su mama Rozalinda, tata Mario, rumanan Tien tje, Fang, Minguel, Catje, Reina, wela, tanta y omonan, prima, y primonan, amiganan, especialmente di su prima señorita Maria de Cuba, kende ta larga feliciteer Maria cu su cumpleaños y demas famia Figaroa y Semeleer.

Dia 18 di Jan a cumpli 5 anja, hobencito Beatrix Leon, felicitacion ta bini di su mama Bibiana, tata Gilberto, 7 rumanan, wela y welo, tanta y omonan, prima y primonan, muy especialmente di su madrina Petronilla Rasmijn, padrino Francisco Koolman y demas famia.

Dia 18 di Jan a cumpli anja e simpatica señorita Adilia Rasmijn, felicitacion ta bini di su y tata, tur su rumanan, tanta y omonan, prima y primonan, subrina y sobrinonan, cunjanan, amiga y amigonan, primo Jacobo Rasmijn, na Hulanda, y muy especialmente di su querida amiga señorita Ramona Geerman.



BOTICA ARUBA

Personal competente
+ Maquinaria moderna
= Servicio excelente.
Jama No. 1080 - 1081
of 1180
y nos ta busca bo recept y entrega e remedi na bo cas.

T A B E N D E

Mata grandi y chikito; e.o. cayena; Boeki di novela; ltype-writer; l stofzuiger; varios Schemerlamp, mesitas, Koneeuw, parha "Love-Birds"; Panja di carnaval pa mucha entre 6 y 10 anja, tambe abrigo pa mucha di e mesun edad. Pa inf: Acudi na Wilhelminastraat 78, den siman despues di 4.30 p.m., diasabra merdia y diadomingo henter dia.

E cas ta biniendo cía, y ta duna un bunita bista.....



gracias na e staf di tecnicocon cu ta duna bo tur informacion pa planea bo cas, renovacion of reconstruccion na un prijs masha razonable.

PETRONA & CROES

N A

La Linda

semper tin un existencia grandi di:

BISTIR

PA

DAMAS

- precioso
- elegante
- atractiva
- ultimo estilo

na prijsnan masha masha favorable, pa un y tur!!!!



Awe dia 20 di Jan. ta bai un cordial pablen, pa e preciosa chikitiñ Glenda Mariane Perez, felicitacion ta bini di su estimada wela Johana, welo Nicolaas, tantanan, omonan, especialmente di su mama Dita, tata Urbano, rumanan Swinda y Junior, cu ta desea e hopi anja mas di vida.

INFORMACION TOCANTE OFISHI NA SCHOOLNAN

Deputado di Educacion, Dr. Gustavo Oduber, na principio di e siman aki a tene un reunion di school di MULO y e hoofdnan di HBS y ATS. Den e reunion Dr. Oduber a splica e necesidad pa desaroya un campaña di Informacion Educativo, cu idea di duna tanto na e hoben escolarnan como tambe na e mayornan un idea mas cla di e diferente posibilidadnan di estudio cu tin habri despues cu nan a caba cu Lagere School, esta despues di zesde klas.

E campaña aki lo tin como obheto crea den e mayornan un mihor comprension pa e diferente direccionan di estudio y pa circunstancianan den cual e escolar mester studia.

A ser pidi na e Directornan di school pa duna nan cooperacion na e campaña aki y pa nan mes tambe bini cu proposicion y ideanan tocante e campaña aki. E ora ey lo tene un otro reunion pa discuti e diferente idea y propisicionan y cuminsa cu e campaña.

Bestuurscollege for di algun anja caba ta organiza den luna di augustus un reunion di despedida pa bursaalan y nan majornan y pa tur mayor cu tin yu ta studiando na Hulanda, pa tur persona interesa anto, den cual ta ser duna informacion y orientacion tocante e estudio na Hu-

school. Si e ta masha bon den wiskunde y tambe den idioma, y e tin basta hopi facilidad pa studia, anto ta consehele pa bai HBS, pasobra e ora ey su posibilidadnan den futuro lo ta mas grandi etc.

MULO OF OFISHI?

Den e reunion a ser discuti naturalmente tambe e problema cu tini na Antillas actualmente, pa motibo cu mayoria di nos hobennan den pasado tur a muestra interes pa MULO y solamente algun di nan a scoge un ofishi. Resultado ta cu awendia ta mas facil pa bo haya un trabao aki na Aruba si bo ta un bon tecnico, cu si bo tin un bon MULO Diploma den bo saco. Un parti masha importante di campaña lo ta dirigi riba e mayornan, pues hopi biaha taden depende di nan kiko e hoben estudiante ta scoge. Y tin mayor cu ta yuda nan yu ora e tin di dicidi, pero tin tambe mayor, cu no pa malo, sino pasobra nan no sabi mihor, a jega di a tuma un actitud tal pa cu nan yu, cu, en realidad a stroba e futuro di e hoben.

E Tema aki ta poco delicado, cada hende mester dicidi pa su mes. Pero, mayoria di e mayornan lo ta di acuerdo cu un mayor ta haci mihó si e stimula su yu pa e studia mas leu pa asina e por tini mas chens den su vida i no si e cuminsa pa bisa e no kier pa e yu bai studia afo, pasobra e ora eu kizas nunca mas e lo no mira e hoben back promer cu e muri, pues e ora ey ta e futuro di e hoben a ser stroba.

Hopi biaha ta sosode cu hopi malcomprension di parti di e estudiante por a ser evita si, aki na Aruba, te hasta promer cu el a laga school, el a haya el a haya un idea cla di e posibilidad y dificultadnan aki. Tin por ehemplo caso den cual e hoben ta desea di sigi un estudio, pa cual e no ta intelectualmente prepara, pero no pasobra e notin capacidad p' esey, sino palabra simplemente e no a sigi e direccion ey, e no a haya aki e preparacion cu e mester a haya pa sigi e estudio ey.

Loke e campaña informativo aki ta aspira ta di duna tur e hobennan aki, no ora nan taden MULO, no for di vijfde klas y zesde klas caba; un idea cla kiko su posibilidadnan ta limita na tal y talunicamente; si e notad i aki te aya den su idioma, ma e ta muestra interes pa menciona pa mecanica of pa electricidad por ehemplo, anto ta ser splica n' e cu lo mihor cu e por haci ta bai Arubaanse Technische



Diadomingo mas o menos 50 persona a tuma parti na e concurso di piscamento cual a worde organisa na ocasion di e 20 anja di existencia di POVA. E concurso cual a worde teni na e beach banda di pier di Eagle no tabata un exito pa motibo cu biento a stroba e piscamento casi por completo. Apesar cu e 50 piscadornan ya tempran a tira nan linja lamar toch en total ta unicamente dos pisca a worde hala aden durante e concurso aki. Uno door di Age Brouwer di 15 cm. Y uno door di K. Koome di 14 cm. Mas laat di e mainta aki Age Brouwer a hanja e copa desponibel pa e ganador como cu su pisca dia 15 cm tabata esun di mas grandi. Di dos premio a bai pa senyor Koome. Ariba e portret nos ta mira senyor Bertus Vermeer cu su linja na mar.

DEPARTEMENT VAN ONDERWIJS

De Inspecteur van het onderwijs maakt bij deze bekend, dat het schriftelijk gedeelte van de examens ter verkrijging van de akten van bekwaamheid tot het geven van middelbaar onderwijs in de NEDERLANDSE- DUITSE-, ENGELSE- en FRANSE TAAL, de WISKUNDE de HANDELSWETENSCHAPPEN en de GESCHIEDENIS in 1964 op Curacao en Aruba kan worden afgelegd.

Gegadigden dienen hun aanvragen vergezeld van de vereiste stukken uiterlijk 3 februari a.s. in te dienen ten Departemente van Onderwijs, J.v. Walbeekplein, Curacao.

De aanvragen moeten geschieden door middel van formulieren verkrijgbaar bij voormeld Departement en bij het kantoor van de Inspectie van het Onderwijs, L.G. Smith Boulevard, Oranjestad, Aruba.

De Inspecteur van het Onderwijs,

ATTENTIE!!!

VANAF 1 JANUARI 1964

DEPOSITO REKENING MET 1 JAAR OPZEGGING

3³/₄% INTEREST PER JAAR

SPAAR EN VERDIEN GELD BIJ DE

ARUBA BANK N.V.

De oudste Bankinstelling op Aruba

ORANJESTAD

SAN NICOLAS

Tel. 1550

Tel. 5105

Fin di welganan na Brazil

Rio de Janeiro, 20 jan. - E ola grandi di welga na Brasil ta finalizando. E negociacionnan bou di direccion di e minister Brasilenjo di trabao, Amury Silva, finalmente a trece un serie di acuerdonan.

Mayoria di e corantnan ta acusa president Goulart di a admitti na e exigencianan di e obreronan y tambe ta acusa di quier establece un republica na Brasil di federacionnan di trabao.



Aki nos ta mira Vicky Henriquez durante un encuentro di tennis cu Syd Frigerio di Caribe Club. E weganan di tennis entre Caribe Club y Cabana Club di Aruba Caribbean Hotel a worde gana door di Caribe cu e score di siete pa dos.

Diasabra mainta a drenta hafna Oranjestad e bapor di investigacion canadiense "Baffin". El a bin Aruba caminda e lo haci investigacionan cientifico, ariba terreno di cambio di temperatura entre awa y di lamar y aire. Durante e week-end hopi hende a bai mira e bapor ariba cual tin entre otro un helicopter staciona.



Dakota campeon di torneo escolar

Oranjestad, 20 Januari.

Du un victoria di dos gol pa cero arriba e oncena li San Nicolas Jrs, Los Amarillos di Dakota a jira Diahuebs anochi ganador di e torneo eliminatorio organisa door di Aruba Voetbal Bond na beneficio di e fondo pa construccion di un deuterschool na Sta. Cruz. Tabata e tercer victoria sigi di e dakotenjonan, loke a haci nan bira lonjo di un copa grandi y bunita, cual a worde obsekia door di firma Neme na Aruba Voetbal Bond cu na su turno a designa e copa grandi aki como e premio pa e ganador di e torneo.

a e partido aki atrobe San Nicolas Jrs no a alineá un di su eepernan estelar Jose Robles f Rafini. Y e fallo den e posicion aki por a causa nan un errota cu diferencia mas grandi inda.

pesar cu e portero di San Nicolas Jrs door di su actuacion muestra di no ta cla ainda pa ompeti den hoofdklasse, e dakotenjonan ta mira e promer ol riba nan nomber anota door i un propio hungador di San Nicolas Jrs. Tratando di haci n pase pa su keeper, back-central Jose Robles ta manda bala den gol pa pone e dakotenjonan adilanti uno cero.

La bolbe pasa 15 minuut di wega romer cu un otro anotacion worde realisa. E biaha aki for di n voorzet di alero drechi Guillermo Trinidad ta bin un momento peligroso dilanti di e gol di San Nicolas Jrs, ya cu Geo Guerrero ta ricibi e bala den avorable posicion. E ta schuif bala manda den gol pa aumenta ventaha di su club te na 2-0. Cinco minuut promer cu half, an Nicolas Jrs su invaller A-laya ta hanj' e so cu keeper Yubi Richardson. E ta perde bala contra Yubi, pero esaki ampoco ta keda cu e bala. Huert Maxwell ta esun cu luego a hanja e bala den su poder y e pone shot mesora. Pero e accion di keeper Yubi Richardson tabata magnifico y e ta logra

frecuencia, ta hanj' e so cu keeper y ta shoot na banda. E delanteronan di San Nicolas Jrs ta forma varios atake peligroso. Na e momentonan decisivo sin embargo e portero dakotjenjo Richardson sabi di salba e situacion. Cu e score di 2-0 den favor di Dakota e partido ta termina.

Entrego di copa

Despues di e partido president Fichi Croes, di A.V.B. a invita e dos capitannan di Dakota y San Nicolas Jrs pa subi ertribune pa ricibi e copanan cu nan cada uno a gana. Den un discurso e president di A.V.B. a gradici e clubnan na e fondo tambe, y last but not least e publico cu a atende e weganan. Ela gradici tur pa e bunita cooperacion cu a pone e torneo bira un exito. E obheto di e torneo ta algu bunita, algopa cual e cuidadananon di Aruba lo ta agradecido cu tempo, tabata palabranan di e president di A.V.B. Na fin di su discurso, el a invita e president di e Comite pa e Construccion di e Kleuterschool, Candido Angela pa haci entrega di e copanan. E copa grandi di campeon di e torneo a worde ricibi door di Juancho Pablo, mientras cu un otro copa, tene e shot di Maxwell.

Tabata un di e diferente bunita hungadornan cu keeper Richard-

son a haci den e partido. Cinco minuut tabata tin hunga di e segundo tempo ora cu e gol dakotjenjo a pasa su mayor peliger di e anochi. Un pase halto no por a worde intercepta door di keeper Richardson apesar di su esfuerzonan. E bala a yega cerca Eddy Gomez, kende, cu e gol sin keeper aden, ta kop poco halto di mas mandando e bala out.

Hopi pareew e wega ta continua cu un dominio leve di parti di e dakotjenjonan.

Geo Guerrero ta haci un rush den di 27 minuut pero ta shot duro na banda. Poco despues ta rechtsbuiten Silvio Comenencia, kende a pifia cu demasiado obsekia di Joyeria Ragunath a bai pa e capitan di San Nicolas Jrs Willems.



CARNAVAL - KODAK

Laga e anja aki tambe bira un recuerdo permanente cu

KODAK

Oferta especial di KODAK-CARNAVAL valido te dia 8 di februari 1964.

cada comprador di un

* CAMARA pa portret of

* CAMARA pa saca cine,

ta ricibi completamente gratis

UN FILM CU TA PERTENECE NA E CAMARA.

BO CARNAVAL TA BIRA INOLVIDABLE SI BO USA KODAK

pa mas informacion sin ningun compromiso

NEME IMPORT EXPORT CO.

Tel. 1754



Diabierne atardi ultimo a tuma lugar na veld di Aruba Jrs. e cuminsamento oficial di e encuentro na n di futbol entre teamnan di comercio y di gobierno. E promer bala e atardi a worde saka pa Reina di Deporte 1963, srta Dorilia Habibe, kende aki ta sakando e bala di robez pa drechi, August Croes, Pedro Perez George Kipp (tres miembro di e directiva organisador di e encuentronan aki y R. (Cai) Helder, capitan di e team di W.E.B. cua; e atardi aki a hunga un wega amistoso cu e oncena di La Esperanza cu a worde gana uno pa cero door di e ultimo.

Dakota y Estrella ta reanuda hoofdklasse

(Di Nos Redactor Deportivo)

Oranjestad, 20 Jan. E campeonato di futbol hoofdklasse a worde reanuda diasabra nochi den Wilhelminastadion cu e encuentro entre Dakota y Estrella. Den e promer round e equiponan aki a hunga pa un empate di un gol pa banda. Tabata un di e cuatro empatenan cu e dakotjenjonan a caba e promer rond cune. Actualmente e dakotjenjonan tin un total di 12 puno riba nan nomber y ta contraria invicto. Nan record exacto ta di cuatro triunfo y cuatro empate sin derrota. Estrella tin shete wega hunga, ganando cuatro, table uno y perde dos pa un total di 9 punto. Na cabes di e campeonato ta na e momento aki e tricolornan di R.C.A. cu total di 14 punto. Dakota ta den e segundo puesto y Estrella den e tercer, hunto cu San Nicolas Jrs.

NIETO DI PAPA NA ARUBA

Oranjestad, 20 Januari, Ultimamente senyor Francesco Matteoli, hefe -machinist na bordo di un bapor cu tabata bishitando Aruba mester a wordu tuma pa tratamiento den San Pedro Hospital. Senyor Matteoli kende ta un nieto di Papa na Roma durante su estadia aknan den hospital a haci un peticion na Bibliotheca Publico caminda el a hanja algun buknan Italiano fla pa pasa su tempo cu e ta worde trata den hospital na Aruba.

JACOB KOZLOFF PRESENTS
FOR THE
ARUBA CARIBBEAN HOTEL-CASINO



**XAVIER
CUGAT**

AND

**ABBE
LANE**

PLUS

**AN ALL STAR CAST OF 10
ENTERTAINERS AT THE**

KLOMPEN KLUB

Starting: Thursday January 23rd

9.30 every night


Except Thursday and Saturday

at 10 P.M.



EXTRAORDINARILY

ATTRACTIONS



TO COME THIS SEASON



- * TONY MARTIN
- * LIBERACE
- * BILLY DANIELS
- * JACK BENNY
- * JUNE VALLI

ARUBA CARIBBEAN HOTEL-CASINO

AGENDA

ARUBAANSE COURANT

diariente cu excepcion di diadomingo subscripcion f. 3.25 pa luna edicion los 20 ct.

edita pa: N.V. ARUBAANSE DRUKKERIJ - en UITGEVERS - en PUBLICITEITS MIJ.

imprimi na:

N.V. DRUKKERIJ „DE STAD,,

Telefoon 1116 Directiva y redaccion, 2116 Anuncio y subscripcion.

Directeur hoofdredacteur: D. Wolff.

TELE-ARUBA

dialuna 20 Jan.

- 35.30 Cartoons
36.00 Panorama Pan Americano
06.30 Annie Oakley
06.45 Papiamento Newscast Live & Filmnews
07.00 The Flinstones
07.30 Sports News
07.45 I Love Lucy
08.15 Have Gun Will Travel
08.45 English Newscast Live & Filmnews
09.00 Dutch Film
10.00 Sign Off.

RADIO CARACAS TELEVISION

Dialuna 20 Januari.

- 8.45 Senderos de luz
9.00 Caja con sorpresas
9.30 Jardin de Infancia
10.00 Ingles por T.V.
10.30 Cosas de mujeres
11.15 Quien es quien en T.V.
11.45 Novela
12.00 Show de Saume
13.00 Noticias
13.05 Cont. Show de Saume
13.15 Nse necesita una amiga
13.35 Novela
14.00 Punto y aparte
14.30 Yo se lo vendo
15.00 Estudio de Hector Monteverde
15.15 Perfecta ama de casa
15.45 Aventuras de Popeye y Yeyo
16.15 Mejlas y sus muchachos
17.00 Busque su marca
17.30 Velvet
18.00 Patruilla fantasma
19.00 El halcon negro
19.30 El pequeno teatro
20.00 El observador
20.15 Camera candida
20.45 Radio Rochela
21.15 M-Squad
22.45 Dick Powell
22.35 Cine para todos

CINE

Dialuna 20 Jan: De Veer: 8.30 p.m. "Pepe" all Rialto: 8.00 p.m. "Estherand the King" 14 j
Principal: 8.00 p.m. "Hatari" all Aurora: 8.00 p.m. "Cuando Viva es la Muerte" 18 j
Savaneta: 8.00 p.m "Samar the gateway to hell" 14 j

BOTICANAN DI WARDA

Oranjestad: Botica del Pueblo Tel: 1253-2154
San Nicolas: Botica San Lucas Tel: 5119

DOKTERNAN DI WARDA

Oranjestad-Noord: Dr. J.R. Leo
San Nicolas-Sta Cruz-Sav: Dr. J.G.H. Janssen.

WIT-GELE KRUIS

Oranjestad: Zr. Ewolda
San Nicolas: Zr. Perpetua
Santa Cruz: Zr. Ludovic

TREKKINGSLIJST VAN DE LANDSLOTTERIJ N.A.

2de TREKKING

DONDERDAG 16 JANUARI 1964

Large table with multiple columns containing numbers and names, organized into sections like Eenheden, Twee, Drie, Vier, Vijf, Zes, Zeven, Acht, Negen, Tien, Elf, Twaalf, Dertien, Veertien, Vijftien, Zestien, Zeventien, Achttien, Negenentwintig, Twintig, Een en Twintig, and Twintig.

Waarvan proces verbaal was opgemaakt en ondertekend door Namens de Procureur Generaal H. R. KEIZERWEERD

UREN VAN UITBETALING: 8.30-12.00 en 13.30-16.00 Getuigen: J. M. O. de WINDT E.z.

Astronauta Glenn Communismo na den politiek Sur Africa

COLUMBUS, 20 Jan. Astronauta John Glenn, prome mericano cu a drenta orbita rond di mundu, awe a anuncia na un conferencia di prensa na Columbus, den estado mericano Ohio, cu el drenta politiek y trata pa wordu eligi senador democratico di Ohio. Akinan e lo mester enfrenta e senador Stephen Young di 74 anja. E teniente coronel di 42 anja a bisa cu el a pidi su retiro cerca marina pa por dedica su mes completamente na lucha di eleccion.

CUIDAD DEL CABO, 20 Jan. Den un discurso pa parlamento, en ocasion dje inauguracion dje periodo nobo di sesion, president Charles Swart di Sur Africa a declara, cu e guerra friudjeanja aki na Africa lo bira di un significacion mas grandi principalmente den cuadro di pruebanan di intencionan di un cierto inclinacion comunista cu ta basta nobo pa Africa, pa expande su poder y influencia den es parti di mundu aki. Pesey, segun e president a con-

tinua, ta mas necesario cu nunca, pa sigui cu e trabao di fortificacion di Sur Africa pa haciela un fortaleza poderoso contra comunismo riba continente Africano. Tambe e president a anuncia leynan nobo pa expande y fortifica politiek di apartheid. Sur Africa ta kedadispuesto pa coopera cu otro paisnan africano, den asuntunan di interes comun, si e paisnan aki individual o colectivamente demostrea un deseo berdadero pa coopera cu Africa, segun e president. E partido uni (Oposicion) entre tantu a entrega un mocion di

desconfianza contra gobierno, cual lo wordu trata otro siman.

CHANZA

MILANO, 20 Jan. Un curandero milanese a wordu bora varios biaha pa un di su pacientnan cu a core drenta su consultorio cu un machete den su man. "Dokter" Carlo Beretta, cu tabata conversa cu dos muher, a mira e hombre core drenta pero a pensa cu ta trata di un chanza. E curandero ta seriamente herida. E atakante durante cinco anja tabata bow di tratamentu pa motibo di un enfermedad na su nier.

BACUNA NAESSENS TA LAMTA ESPERANZA DI ENFERMONAN

AJACCIO, 20 Jan. E prefecto di Corsica, Marcul Turon, a sali pa Paris pa delibera cu e minister frances di salubridad Marcellin, despues cu manera anuncia, pacientnan tambe muchanan cu a wordu trata cu e bacuna anti-leukemie dje curandero Gaston Naessens, na Corsica, a bin pidi pe tratamentu aki.

Naessens mes, kende su bakuna ta ser investiga na Paris, entre tantu a insisti, cu lo no llega mas pacient na Corsica, pasombra no tin suficiente cama actualmente disponibel y tampoco suficiente dje bacuna.

A pesar di esaki, ayeranochi un pacient di Leukemie di 36 anja James Elder, e di seis di Escocia, a sali foi Glasgow pa Corsica.

Awe nan ta spera tambe na Bastia un 19 pacient hoben di leukemie foi Belgica, Francia y Merca.

34 Lider dje instituto frances pa investigacion di cancer, profesor Denaiux, awe mainta a bishita e laboratorio di Naessens na Corsica.

E corant medico di gran Britania entre tantu awe a avisa un blaha mas contra speranzanan

Infunda tocante eficiencia dje bacuna pasombra pa un opinion funda tin mester di por lo menos un periodo di dos anja di observacion. Naessens, a bisa na Paris, unda e tabata di transito pa Escocia for di Corsica, qu el a rechaza e oferta pa un

suma di tres mil libra esterlina pa anyá di un negociante Escoces pa haci su serum contra cancer mas eficaz. Despues el lo duna e motibu paquico el a rechaza e oferta.

Anteriormente, na aeropuerto di Nice, Naessens a bisa, qu su tratamiento probablemente lo tin resultado tambe na otro formanan di cancer. Naessens ta bisa di a cura un porcentaje altu di e mas o menos 500 casonan di cancer qu el a atende for di anya 1950.

Pero e serum qu e ta traha qu ne actualmente ta esun mas edecua. Na Ajaccio un experto indica pa gobierno Frances, - quende ta investiga e serum di Naessens, profesor Pierre Denoix, a bisa, cu no tin autorizacion pa sigui cu e tratonan di Naessens ni tampoco cu tratonan nobo, ya cu ainda no ta proba cu e terapia di Naessens tin algun influencia riba cancer of leukemie.



Diasabra anochi Tivoli Club na Oranjestad tabatin un di e fiestanan preparativo pa e venidero carnaval. E ultimo fiesta menciona a worde teni den "estilo di nos antecesornan. Diferente persona tabata disfrasa den hendenan di cueba, cavemen". Ariba e portretnan aki nos ta mira algun di nan.

Kennedy ta bai Filipinas

IMDJIN- 20 Jan. E minister Mericano di husticia qu actualmente ta haciendo un gira na lejaro oriente, a bishita militar nan Mericano staciona na Sur Corea banda di e zona demilitarisa entre Noord y Sur Corea. Despues el a asisti den compania di su esposa na un sacrificio di misa na Imdjin y el a bishita e cuartel general di e esquadrilla di cavaleria Mericano.

Mayan Kennedy ta blaha pa Manila, unda e lo delibera qu e president di Filipinas Macapagal.

Observadornan diplomatico di opinion cu Kennedy, quende ta trata na intermedia den e conflicto, cu a surgi rond di e federacion di Maleisia, lo insisti serca e prome minister di e federacion di Maleisia, Toenkoe Abdoel Rachman pa e acepta un deliberacion qu president Soekarno di Indonesia y premier Macapagal di Filipinas sin condicionnan delanta.

"Buscando amor di Mama"

Novela pa

Pancho Papa la Poncha Pi

No. 4

"Mucha", e di poco poco, bo mester cuminza custumbra, cu den e klas aki ta solamente un persona tin, cu ta dicidi loke mester worde haci, y esey ta mi. Mayan mainta bo mester entregami e composicion ey, maske bo mes no kier! Theresa a coy su tas y a laga e mucha keda para. Den su mes e tabata tin un rabia. Pa su mayan mainta, ora el a drenta su klas, el a haya un schrif blau riba su lessenaar. Riba e schrif tabata scirbi Ingrid Hofen. Theresa a hinka e schrif den sutas, ya cuminza cu les. Pero ora di pausa, e no por a wanta mas, el a habri su tas y saca e schrif. Theresa a habri e schrif, ya mi-cu e composicion di Ingrid tabata consisti di solamente 7 frase. Nos ta biba den un cas grandi cu hopi muebles. Hopi camber di e cas ta bashi, ey den no ta biba ningun hende. Nos tin un

vestibulo grandi. Tambe nos tin un parke. Nos auto ta parkeer den e garashi. Tambe mi tin un cachor. Tambe nos tin poco mata. Esey ta tur loke Ingrid a scirbi. Theresa a sinti manera un ril. Esey ta manera un portret cu un mucha a saca di su cas, cu ta existi solamente di cosnan morto. E no ta scirbi nada di su tata, y nada di ningun otro hende. Ningun hende?, pero warda, el a scirbi "Mi tin un cachor". Kier meen cu esey ta e unico ser na bisa, cu segun Ingrid vale la pena pa menciona. Theresa a sacudi su cabez. Eynan mester tin algo ta pasando. Pasombra tur mucha normal, ta scirbi tocante e hendenan cu ta biba junto cunan.

"Ta cua ta e motibo verdadero, cu e mucha no ta papia nada tocante su mes personalidad?" Theresa a dicidi cu e mester

investiga e historia aki mas mihor.

Theresa ta para memey di e muchanan riba e speelplaats, caminda nan ta hunga diferente sport. Nan ta hungando bala, pero di repente algo a hala Theresa su atencion. Un di e muchanan a gritele algo. El a bisa su cara pa mira, y na e mes un momento el a haya un sia duro na su frente. Theresa a sinti undolo duro riba su wowo, y mesora sanger a cuminza basha den su cara. Dilanti su pianan tabata tin un bala bentá. Theresa a pasa su man na su frente. Esaki ta sangrando basta! Ta kende por a haci un descuido asina? Theresa a bira waak rond. Algun meter for di dje tabata pará Ingrid Hofen, cu e bate ainda den su man. Mesora Theresa tabata sa, cu Ingrid a haci esaki pa malo. E tabata kier a dal Theresa, y el a mik e masha bon mes. Theresa mester a hala rosea pisá, pa e no rementá di rabia. Pasobra tur por mira claramente cu ta pa malo Ingrid a dal Theresa cu a bala. "E no ta asina grandi", Theresa a bisa poco poco. E no tabata kier a laga e muchanan ripara, con hopi dolé e tabata tin. "Boso sigui hunga numa, tur es tempo mi ta bay paden un rato pa laba mi herida". Poco poco el a cana bay den e klas, el a laba

e sanger, y despues el a mira su cara den spiegel. E heridano tabata mucho grandi, y e tabata net riba su wenkbrouw. Si e tabata tin mas mala suerte ainda, lo a bala a dalé den su wowo. "Eynan lo bay keda un marca?" "Yen di espanto Sra. Hubert a cruza su brazanan, ora cu Theresa a jega cas. "Mi Dios, srta.

Gunden, ta kiko a pasabo?" "Nada grave, nan a dal mi cu un bala na mi frente". "Mi cielo", Sra. Hubert ta cana bay bin dene cuarto. "Corda si e bala mester a dal bo den bo wowo?" "Pero te ainda e ta sangrando, mihor bo bay na un dokter!" "Coy loco", Theresa a bisa. "Bo kier pa e dokter cuminza harimi, pasobra mi ta bay consultele pa un coy loco astna? Imposibel". Theresa

no tabata tin intencion di haci e cos bira mas grandi. Pero Sra. Hubert tampoco no kier keda perdi. El a terna Theresa cu cantidad di consecuencianan cu e herida chikito ey por trece, cu Theresa a haya miedo "Okay, ta bon anto, mi ta bai serca un dokter." Theresa a bisa. E dokter cu Sra. Hubert a recomende, ta biba

3 cas mas leeuw. E cuarto di e dokter tabata bashi, kier meen cu mesora el a worde juda. Dr. Bergman tabata un hende masha

generoso, y tabata tin 55 anja mas of menos. El a keda mira Theresa. "Aha, ta kiko a pasabo?", el a puntra carinoso. "Ach, ta abo ta e maestra nobo, ya mi sa ta ken bo ta. Noticia importante mesora ta circula, y un

maestra nobo ta un evento den e cuidad chikito aki." Theresa a cuminza hari. E dokter ta parcé un bon hende. El a laba e herida, y despues el a hunta algo ariba, cu tabata pica. Pero ora

cu e dokter tabata kier a pone un pleister pa sera e herida, Theresa a protesta. "Bo kier pa e hendenan kere cu mi ta un boksó?" E dokter a hari cordialmente. "En berdad bo tin

un bon figura pa un campeon di boksmento!" E dokter a warda e pleister, y a receta Theresa algo. "Tuma akinan bo tin un certificado. Manera bo sa caba, e gastonan ta worde pagá door di Estado, ora bo haya un acci-


dente na trabao". "Mi Dios, esta un palabra grandi, Accidente na Trabajo!" "Ta bon mes cu no tabata tin mester di un ambulance". Theresa kier a lanta pa jama ayo, pero Dr. Bergman no a caba di papia ainda. "Ya bo a cuminza custumbra akinan?" "El a puntra Theresa. "Wel, un poco,

RIP KIRBY

pa cortesia di:

JAN BODEGOM & CO (ARUBA) N.V.

Agente exclusivo di **FRIESCHE VLAG** lechi evaporado y lechi en polvo **MAXWELL HOUSE KOFFIE.**



CISCO KID

pa cortesia di:

ARUBA BOTTLING COMPANY

NESBITTS den varios sabor, e refresconan mas pidi y mas gusta na Aruba.




BUCHI ROBEZ

pa cortesia di:

REFRESQUERIA INGRID

tel: 1849

E mihor adres pa snacks, tur clase di dushi, softdrinks, ice-cream y revistas.




PEPITA

pa cortesia di:

ANTILLIAN HARDWARE CO.

E mihor adres pa VERF, KWASHI, TUR HERMENT, ARTICULOS SANITARIO.



DICK TRACY



HOROSCOPO PERSONAL

ARIES 21 maart - 20 april

Lago bo companjeronan mustra e camina pa diverticion y goza di bo bida. No rabia cu hendenan cu por exigui hopi di bopasenshi.

TAURUS 21 april - 21 mei

Awor bo tin un oportunidad favorable pa mehora bo posicion den bida comercial y tereno financiero. Acento ta cai riba bo debenan.

GEMINI 22 mei - 21 juni

Bo lo ricibi un noticia agradable awe. Hasi cambianan cu ta

necesario den bo plannan. Borelacionnan cu otronan por mehora.

CANCER 22 juni - 23 juli

Un esfera cordial entre abo y otronan ta hasi bo anochi agradable. Tambe un cierto kestion ta jega na un fin satisfactorio.

LEO 24 juli - 23 aug.

Mantene harmonia cu otronan pa no bini malcompresion of desunion. Anochi ta adecuado pa mehora entendimentu cu otronan.

VIRGO 24 aug. - 23 sept.

Bo atencion por worde concentra cu exito riba cierto trabao y asuntunan di placa. Bo por spera un pago satisfactorio pa bo esfuerzonan.

LIBRA 24 sept. - 23 okt.

Tambe awe tur cos ta keda na bo fabor, tantu den asuntunan importante cu den asuntunan di amor y matrimonio, no tene bo mes muchu atras.

SCORPIO 24 okt. - 22 nov.

Bo lo por regla un cierto asunto den bo trabao cu exito basta bo no ta egoista. Anochi por bira masha agradable y trese hopi alegria.

Pa BOEKI „SONJO“, na spanjo y ingles cu interpretacion di number di suerte.....
..NICOLAAS STORE,,
Tel...5385 - San Nicolas

SAGITTARIUS 23 nov. - 21 dec.

Bo ta capaz awor pa termina asuntunan cu ta exige deliberacion y tacto. Busca conseho serca bo amigunan, bo lo keda sorpresa di nan ideanan.

CAPRICORNIUS 22 dec. - 20 jan.

Den mainta bo lo realiza un situacion precario den cual amigunan ta relaciona. Tene cuidao cu local bo ta bisa of priminti awor.

AQUARIUS 21 jan. - 19 feb.

Awe mainta bo lo hanja un noticia especial cu lo ocupa bo atencion por completo. Trata pa coopera estrechamente cu bo partner y otronan.

PISCES 20 feb. - 20 maart

Awe mainta bo lo ricibi un noticia cu ta duna bo oportunidad pa logra riba tereno comercial. Tene bo mes poco atras esey ta sabi.